

JES 2024/25: taga programo

(K) = taŭga por komencantoj
geschikt voor beginners
convient aux débutants
für Anfänger geeignet
suitable for beginners

Spektakloj

La Ŝaknovelo

Gvidanto: Arno

La Ŝaknovelo, la lasta verko de Stefan Zweig, estas emocia kaj psikologie profunda verko, kiu esploras la limojn de la homa menso en ekstremaj cirkonstancoj.

La teatra adaptado enscenigas la enigmajn rakontojn de la verko: vojaĝo sur ŝipo inter Nov-Jorko kaj Bonaero, kie ŝakludo interplektas la sortojn de unikaj personoj; la simpla, sed nevenkebla ŝakmajstro, kies peza aŭtomata ludo fascinas ĉiujn; kaj la tragika historio de Doktoro B., kiu, tenata en izoliteco fare de la nazioj, malkovras libron pri ŝakludo. Unue ĝi savas lian menson, sed poste ĝi puŝas lin al la rando de frenezo.

Ĉi-tiu rakonto pri homaj limoj estas riĉa je emociaj pintoj kaj nemaltrafinda travivaĵo.

Mi aŭdas ion kion vi ne vidas

(K)

La mirakla besta mondo de Doktoro Vulpo

Gvidanto: Christoph

Magia interaga teatro

Besta esploristo doktoro Vulpo malkovris mirindajn bestojn dum siaj vojaĝoj ĉirkaŭ la mondo. Kelkaj el ĉi tiuj bestoj kun sensaciaj trajtoj nun vivas kun li. Ekzemple, hundo Schnuffi povas odori nekredeble bone, la sovaĝa kato Kniesel povas uzi sian sesan senton por trovi perditajn objektojn, la agla vulturo Chili vidas tiel bone, ke li povas rekoni objektojn de treege for, eĉ se ili estas kaŝitaj sub tuko.

Nekredeble magia, precipe kiam la publiko helpas ekscii la miraklajn kapablojn de la bestoj de doktoro Vulpo.

Prelegoj

Enkonduko al amatora radio

Gvidanto: *Matt*

Amatora radio estas internacia hobbio per kiu homoj internacie povas komuniki per radio elsendoj. Mi parolas pri kio ĝi temas, kion ĝi bezonas kaj faros demonstren per miaj ekipaĵoj.

Maŝinlernado: kio ĝi estas kaj kiel funkcias

Gvidanto: *Jacob*

Maŝinlernado (kaj la tiel nomata 'AI' - Artefarita Inteljekto) estas vaste uzata en multaj kampoj, kaj estonte certe estos eĉ pli uzata. Sed kio estas maŝinlernado? Ĉu maŝinoj povas lerni ion ajn? Aŭ eĉ lerni pensi? Kion signifas fakte 'lerni' kaj 'pensi'?

Mi enkondukas vin al la bazoj de maŝinlernado kaj trejnado de maŝinoj, kaj kelkaj popularaj teknikoj. Vi aŭdos freneze strangajn vortojn kiel *loĝistika regreso*, la *K plej proksimaj najbaroj*, la *subtenvektora maŝino*, kaj, plej grave, pri artefaritaj *neŭraj retoj*.

Vi nur bezonas scii la koncepton de kalkultabelo (kun kolumnoj kaj vicoj) por kompreni la ideojn, eĉ se la klarigoj estas matematike ĝustaj. Prezentaĵoj <https://bit.ly/maŝinlernado> (nur pretaj kiam prelego komenciĝos).

Kiel funkcias artefarita intelekto (AI)?

Gvidanto: *Jacob*

Post kompreni kio estas maŝinlernado, ni daŭrigos pri la novaj revolucioj, kiuj okazis pri neŭraj retoj kaj artefarita 'intelekto', kaj pri la ebloj imiti homan kreemon. Vi komprenos la generativan AI – kiel maŝino povas babili kiel homo (ekzemple, la babilroboto ChatGTP), krei belajn bildojn, rekoni bildojn, rezumi tekstojn, rekrei la voĉon de persono (por diri ion ajn!), krei muzikon aŭ filmon, asisti pri programado kaj multon alia. Vi komprenos ankaŭ la limojn de tiaj kapabloj.

Se la tempo permesos, ni diskutos la socion – kiel ĝi ŝanĝiĝos, kiuj danĝeroj aperas nun, ekzemple pri misinformado, spamado kaj trukado, kial kiel gardi sin ... Kaj kiom (mal)verŝajne estas, ke iu AI iĝos konscia, akiros tre detrueman personecon kaj provos fini la homaron.

Stefan Zweig, eŭropa verkisto

Gvidanto: *Arno*

Ĉu vi konas Stefan Zweig, unu el la plej famaj eŭropaj verkistoj? En ĉi-tiu prelego vi malkovros lian vivon, verkaron, kaj humanisman sintenon kiu transcendas landlimojn. Zweig difinis sin ne kiel naciisto, sed kiel eŭropano kaj mondciivitano. La prelego estas akompanata de imponaj bildoj – personaj fotoj, librokovriloj, mapoj, kaj pli – kiuj helpas rakonti liajn travivaĵojn kaj klarigi liajn unikajn literaturaĵojn.

Ĉi-tiu programero paralele rilatas al sceneja prezento de lia fama verko *La Ŝaknovelo* kiu okazos la sekvan tagon. Do venu por inspiriĝi kaj pliprofundigi viajn sciojn pri unu el la grandaj verkistoj de la 20a jarcento!

Fulmprelegoj

Gvidanto: *Clarissa*

Ĉu vi havas ion dirindan sed ne vere sufiĉas por propra prelego? Venu al la fulmprelega sesio, volontulu kaj spontanee prezentu kion ajn vi volas diri. Ĉiu partoprenanto ricevos maksimume kvin minutojn; poste estos la vico de la sekva partoprenanto. Ne necesas kunporti propran komputilon, sed se vi volas, vi povas kunporti dosierojn sur USB-bastoneto – aŭ simple prelegi sen iu materialo. Spektantoj povas antaŭĝoji sinsekvon de prelegetoj pri la plej variaj temoj – perfekta por tiuj kun mallonga atentodaŭro kiuj ekdormas post kvin minutoj de la sama!

Enkonduko al LARPumado kaj miniLARPludo

Gvidanto: *Demlin*

Mi klarigos al vi kio estas LARPo (Live Action Role Play), kaj kiuj diversaj ĝenroj de LARPumado ekzistas. Temas pri rolludado verviva. Mi donos diversajn ekzemplojn kaj ankaŭ rakontos de miaj propraj spertoj kun LARPumado. Fine, mi enkondukos la miniLARPludon kiun ni ludos posttagmeze, kaj vi povas vidi, ĉu vi emas partopreni ĝin.

Kvantuma fiziko

Gvidanto: *Vittorio*

Kio estas kvantuma fiziko? Kiel ĝi funkcias, al kio ĝi utilas? Post eta prelego pri tiu ĉi interesa teorio ni provos kompreni kune siajn bazajn principojn pere de ciferecaj kaj konkritaj eksperimentoj. Mi proponos al vi kvizojn kaj ni diskutos kune pri la rezultoj. Se vi havas neniun antaŭkonon nek de kvantuma fiziko nek de fiziko ĝenerale ne timiĝu! Ĉiuj homoj bonvenas!

Prelego pri BEMI-karavano



Gvidanto: *Lars*

Aŭdu kaj vidu pri la aventuroj dum la vintra BEMI-karavano el Arnhem al JES, kaj pri aliaj BEMI-agadoj dum la jaro.

Prezento de Globasa

La moderna helplingvo kie vortoj venas de la tuta mondo

Gvidanto: *André*

Kiel aspektus lingvo kun eŭropaj vortoj, sed ankaŭ vortoj de la mandarena, la hindustana, la araba, la indonezia, la svahila, la japana kaj multaj aliaj? Kiel gramatiko povus esti eĉ pli facila (aŭ almenaŭ malsama) ol tiu de Esperanto? Se la gramatiko de konstruita lingvo interesas vin aŭ se vi ŝatas rekoni vortojn de multaj lingvoj, nepre venu!

Atelieroj

Ni kune ludu per AI

Gvidantoj: *Jacob, Gert*

Multaj iloj de AI tre bone funkcias en Esperanto, sed oni devas foje scii kelkajn trukojn. Ni kune ludos per generativa AI, kreas muzikon kaj kantojn, voĉbabilos kun robotoj, uzas ilin por informserĉado, provlegado, tradukado, ideokreado, programado, bildokreado ktp. Ni disdividos niajn bonajn (kaj malbonajn) spertojn kaj kune lernos pli pri kiel ni povas profiti. Pensu pri io freneza, belega aŭ bonega, kaj ni provos krei tion!

Teatro-ateliero

Gvidantoj: *Lampido, Arno, Christoph*

Ĉu la scenejo vikle alvokas vin? Aŭ ĉu vi nur ekinteresiĝas? Ĉu vi ŝatus malkovri kiel krei spontanecon el ĉiaj situacioj, aŭ sentigi la emocion de ajna teksto? Ĉu vi ŝatus transformi vian korpon el fonto de malkomforto al fonto de sentemo? La teatraj atelieroj esploros tiujn temojn kaj multe pli -aldoniĝu al plurtaga malkovro de tiu arto!

Kursoj

Esperantokurso por komencantoj



Gvidanto: *Yentl*

Esperantokurso por nivelo A1.

Esperantokurso por progresintoj

Gvidanto: *David*

Esperantokurso por nivelo B1.

Magota danckurso



Gvidanto: *Magoto*

Ĉu vi interesiĝas pri danci ion alian ol la bambo? Venu kaj provu la diversan pejzaĝon de k-pop koreografioj je ĉi-tiu danckurso! Vi ne bezonas havi altan nivelon de dancado, ĉar vi ankaŭ mem rajtas elekti el serio de kantoj kiun mi antaŭvidis (aŭ mem demandi se vi emas lerni iun specifan!) kun pluraj gradoj da malfacileco.

Skotaj popoldancoj



Gvidanto: *Duncan*

En Skotlando dum novajara festo, kaj tre ofte ankaŭ en aliaj festoj, ekzemple geedziĝaj, oni faras popoldancojn. Mi instruos al vi plurajn el tiuj. Dancoj estos paraj, triopaj, kvaropaj, kaj aliaj. Venu sola, aŭ venu kun amikoj, ĉiukaze vi renkontos novajn homojn!

Ludoj

miniLARPumi loĝkomunumon kaj la evoluon de vivo

Gvidanto: *Demlin*

Iel ĉio ĉi tie sentas kiel hejme estas mini-LARPludo por 5-8 ludantoj. Oni ludas amikgrupon kiu iam longe loĝis kune, kaj nun disiĝas kaj ekiras en la mondon. La ludo temas pri nostalgio, amikeco kaj persona evoluo de vivo. Ĝi okazas en 6 scenoj kun tempo-saltoj, kaj la unua sceno estas la adiaŭo de la loĝkomunumo. Poste trafas multaj vivŝanĝoj la ludantojn kaj ili rerenkontiĝas kiel grupo de tempo al tempo tra la jaroj.

Bonvolu veni al la antaŭtagmeza *Enkonduko al LARPludo* por prepariĝi kaj sciigi min, ke vi kunludos. Ĉi tio estas fermita programero sen spektantoj.

Powerpoint-karaokeo

Gvidanto: *Clarissa*

Ĉu normala prelego? Ne vere: la preleganto neniam antaŭe vidis la prezentad-materialon kiu estas montrata per la projekciilo, nek scias ion pri la temo – kaj devas spontanee diri ion ajn ... kaj kompreneble la sekva paĝo povas enhavi surprizojn. Venu kaj volontulu kaj mi donos al vi hazardan prelegon. Ne necesas kunporti propran komputilon, nur kuraĝon kaj kreemon, simile al improviza teatro. Kaj se vi ne kuraĝas partopreni, venu por spekti!

Diskutrondoj, babilrondoj, kunsidoj

Asembleo de Germana Esperanto-Junularo



Gvidanto: *Michael*

La membrosembleo de Germana Esperanto-Junularo (GEJ) okazas ĉiujare. En ĝi, membroj de GEJ kunvenas, diskutas kaj decidas pri la sekvaj paŝoj de sia asocio. Diversaj tagorderoj estas planitaj, interalie agadraporto de la ĝisnuna estraro, prezento de financa bilanco, raportoj el laborgrupoj kaj, plej grave, elekto de nova estraro por 2025-26. Kiu iĝos la nova prezidanto de GEJ? Kaj kiu iĝos kasisto? Kiu – vicprezidanto? (Ĉu eble vi?) Iru eltrovi ĉion ĉi dum la membrosembleo de GEJ. Por partopreni ĝin kun voĉdonrajto, vi devas esti membro de GEJ. (Ĉu vi jam membriĝis?) Sed ankaŭ gastoj (ne-membroj) volonte povas ĉeesti kaj observi.

Membrokunsido de BEMI

Gvidanto: *Lars*

BEMI invitas ĉiujn membrojn al sia tradicia membrokunveno dum JES. La membrokunveno estas la supera organo de BEMI kaj decidas pri ĉio en nia asocio. Memoru ke en BEMI ne ekzistas formala membreco – ni invitas ĉiujn homojn, kiuj parolas Esperanton kaj ŝatas bicikli, konsideri sin membroj. Se tiu kondiĉo estas vera por vi, vi povas veni, diskuti kun la aliaj membroj, kaj decidi. Vi estas same bonvena se vi nur volas aŭskulti, kio ĉio okazis en BEMI dum la pasinta jaro, kaj kiujn mojosajn aferojn ni planas por la venonta.

Aligatorejo



Gvidanto: *Anna*

Welkom in de aligatorejo! L'aligatorejo est un cercle de discussion informel, aber man darf kein Esperanto sprechen, und auch nicht seine Muttersprache. It's a great opportunity to practice your other languages! Si eres amante de los idiomas, você não vai querer perder isso! Sluit je aan bij een groep en ontdek czy macie wspólny język oprócz esperanto! Akár egy beszélgetés közepén is válthatsz egy másik nyelvre, porque tu compañero no puede usar el mismo idioma que tú estás usando. Allena il tuo cervello door constant van taal te veranderen! Kom og ha det gøy!

Novula programo



Gvidanto: *Michaela*

Se JES estas via unua granda Esperanto-evento, aŭ se vi miras, kio okazos dum JES, aŭ se vi volas iĝi mentoro por novuloj, venu al la novula programo. Ni interkonatiĝos, ludos kaj lernos pri la specialaĵoj de JES, pri ĝiaj programeroj, kiel trovi helpon kaj diskutos, ĉu vi sentas vin komforta. En kazo de dubo vi ĉiam ajn rajtas kontakti min telegrame: @michaelaherzberg

Ekskursoj

Bicikla ekskurso



Gvidanto: *Lars*

Esploru kun ni ĉi-tiun angulon de la Ardenoj per biciklo. Kutime, BEMI-ekskursoj estas facilaj bicikladoj. Sed ni ja estas en montaro, kaj estas vintro. Do vere facila la ekskurso ne povas esti. La itinero ni elektos en lundo mem laŭ la veterprognozo kaj la kondiĉoj sur la vojoj. Kaj laŭ viaj deziroj. Ebloj estas multaj. Vestu vin taŭge kaj ĝuu specialan bicikloposttagmezon kun ni.